

IV. OPOSICIÓN E CONCURSOS**SERVIZO GALEGO DE SAÚDE**

RESOLUCIÓN do 11 de xuño de 2024, da Dirección Xeral de Recursos Humanos, pola que se declaran, con carácter definitivo, as persoas aspirantes admitidas e excluídas nas convocatorias excepcionais do proceso selectivo de estabilización, polo sistema de concurso de méritos, e se publican as puntuacións provisionais para o ingreso en diversas categorías de persoal estatutario.

Mediante as resolucións desta dirección xeral do 26 de decembro de 2022 (DOG núm. 4, do 5 de xaneiro de 2023) realizouse a convocatoria excepcional do proceso selectivo de estabilización, polo sistema de concurso de méritos, para o ingreso en diversas categorías de persoal estatutario.

Mediante a resolución deste mesmo centro directivo, do 11 de abril de 2023 (DOG núm. 77, do 21 de abril), publicouse a relación provisional de admitidos/as e excluídos para o ingreso en diversas categorías de persoal estatutario, polo sistema de concurso de méritos, e xa finalizou o prazo de emenda previsto na base sexta das resolucións de convocatoria.

A base oitava das resolucións da Dirección Xeral de Recursos Humanos do 26 de decembro de 2022 de convocatoria do proceso dispón que, realizada polo respectivo tribunal a baremación dos méritos achegados polos/as aspirantes, a Dirección Xeral de Recursos Humanos publicará, no *Diario Oficial de Galicia*, o anuncio da súa exposición con indicación da puntuación provisional obtida por cada aspirante nas distintas epígrafes, a correspondente á acreditación do coñecemento da lingua galega, de ser o caso, así como a valoración total do concurso de méritos.

De conformidade coas anteditas bases, esta dirección xeral, como órgano convocante do proceso

RESOLVE:

Primeiro. Declarar, con carácter definitivo, as persoas aspirantes admitidas e excluídas no proceso selectivo de estabilización, polo sistema de concurso de méritos, e publicar



as puntuacións provisionais obtidas polos/as aspirantes admitidos/as no proceso selectivo para o ingreso nas seguintes categorías de persoal estatutario:

Persoal facultativo:

- Médico/a coordinador/a 061.
- Médico/a de admisión e documentación clínica.
- Técnico/a de saúde de atención primaria.
- Farmacéutico/a de atención primaria.

Persoal sanitario non facultativo:

- Enfermeiro/a especialista en enfermaría do traballo.
- Logopeda.
- Técnico/a superior en anatomía patolóxica e citoloxía.
- Técnico/a superior en dietética.
- Técnico/a superior en laboratorio de diagnóstico clínico.
- Técnico/a superior en radioterapia.
- Técnico/a en farmacia.

Persoal de xestión e servizos:

- Albanel.
- Calefactor/a.
- Carpinteiro/a.
- Cociñeiro/a.



- Conductor/a.
- Electricista.
- Fontaneiro/a.
- Lavandeiro/a.
- Limpador/a.
- Mecánico/a.
- Pasador/a de ferro.
- Peón.
- Perruqueiro/a.
- Pinche.
- Pintor/a.

Segundo. As puntuacións provisionais, así como as listas coa relación definitiva de admitidos/as e excluídos/as, con indicación do motivo de exclusión, nas categorías relacionadas na epígrafe anterior, poderanse examinar na páxina web do Servizo Galego de Saúde (www.sergas.es).

Cada aspirante poderá consultar o estado da solicitude, ademais do detalle da puntuación obtida nas distintas epígrafes do baremo, no seu expediente electrónico persoal en Fides/expedient-e/sección de procesos/concurso de méritos.

Coa finalidade de dotar de transparencia o proceso, ao existiren aspirantes empataados, publicarase na páxina web do Servizo Galego de Saúde (www.sergas.es) a información que permitirá verificar a aplicación correcta do criterio de desempate establecido na base 8.1.6 da resolución de convocatoria dos distintos procesos.

Terceiro. Contra as listas definitivas de admitidos/as e excluídos/as, as persoas excluídas poderán interpor recurso contencioso-administrativo no prazo de dous meses, contados a partir do día seguinte ao da publicación desta resolución, nos termos da Lei 29/1998,



do 13 de xullo, reguladora da xurisdición contencioso-administrativa. Potestativamente, e con carácter previo, poderán interpor recurso de reposición, ante a Dirección Xeral de Recursos Humanos do Servizo Galego de Saúde, no prazo dun mes contado desde o día seguinte ao desta publicación.

Cuarto. De conformidade coa base oitava da Resolución do 26 de decembro de 2022, da Dirección Xeral de Recursos Humanos, de convocatoria do proceso, os/as aspirantes admitidos/as poderán presentar a reclamación ante o propio tribunal no prazo de dez (10) días hábiles, contados a partir do día seguinte ao da publicación desta resolución no *Diario Oficial de Galicia*, para formularen reclamación contra os resultados da baremación provisional. Tales reclamacións serán rexeitadas ou admitidas na resolución definitiva, que aprobará esta dirección xeral e que se publicará no *Diario Oficial de Galicia*, logo da análise das reclamacións polo tribunal que efectuará, de ser o caso, as oportunas correccións e aprobará as puntuacións definitivas de méritos do concurso, elevándoas á autoridade convocante.

Santiago de Compostela, 11 de xuño de 2024

María del Mar Pousa Cobas
Directora xeral de Recursos Humanos

